

**«ԲԱՐՁՐԱԳՈՒՅՆ ՍԱՄՍԱԳԻՏԱԿԱՆ ԵՎ ՀԵՏԲՈՒՀԱԿԱՆ ԿՐԹՈՒԹՅԱՆ ՊԵՏԱԿԱՆ
ԿՐԹԱԿԱՆ ՉԱՓՈՐՈՇԻՉՆԵՐԻ ԶԵՎԱՎՈՐՄԱՆ ԵՎ ՀԱՍՏԱՏՄԱՆ ԿԱՐԳԸ
ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ՈՐՈՇՈՒՄ /14 ապրիլի 2005 թվականի N 449-Ն/**

«Կրթության մասին» Հայաստանի Հանրապետության օրենքի 36-րդ հոդվածի 2-րդ կետին ու «Բարձրագույն և հետրուհական մասնագիտական կրթության մասին» Հայաստանի Հանրապետության օրենքի 8-րդ հոդվածի 3-րդ մասին համապատասխան՝ Հայաստանի Հանրապետության կառավարությունը **որոշում է**:

1. Հաստատել բարձրագույն մասնագիտական և հետրուհական կրթության պետական կրթական չափորոշիչների ձևավորման և հաստատման կարգը՝ համաձայն հավելվածի:
2. Ուժը կորցրած ձանաչել Հայաստանի Հանրապետության կառավարության 2003 թվականի օգոստոսի 14-ի «Մասնագիտական կրթության մասնագիտությունների պետական կրթական չափորոշիչների ձևավորման և հաստատման կարգը՝ հաստատելու մասին» N 1079-Ն որոշումը՝ բարձրագույն մասնագիտական կրթության պետական կրթական չափորոշիչների մասով:
3. Սույն որոշումն ուժի մեջ է մտնում պաշտոնական իրապարակմանը հաջորդող օրվանից:

**Հայաստանի Հանրապետության
վարչապետ Ա. Մարգարյան**

**2005 թ. ապրիլի 18
Երևան**

**Հավելված
ՀՀ կառավարության 2005 թվականի
ապրիլի 14-ի N 449-Ն որոշման
կարգ**

**ԲԱՐՁՐԱԳՈՒՅՆ ՍԱՄՍԱԳԻՏԱԿԱՆ ԵՎ ՀԵՏԲՈՒՀԱԿԱՆ ԿՐԹՈՒԹՅԱՆ ՊԵՏԱԿԱՆ
ԿՐԹԱԿԱՆ ՉԱՓՈՐՈՇԻՉՆԵՐԻ ԶԵՎԱՎՈՐՄԱՆ ԵՎ ՀԱՍՏԱՏՄԱՆ**

I.ԸՆԴԱՆՈՒՐ ԴՐՈՒՅԹՆԵՐ

1. Բարձրագույն մասնագիտական և հետրուհական կրթության մասնագիտությունների պետական կրթական չափորոշիչները (այսուհետ՝ չափորոշիչներ) ձևավորվում և հաստատվում են Հայաստանի Հանրապետությունում գործող բարձրագույն մասնագիտական և հետրուհական կրթության յուրաքանչյուր մասնագիտության (դրա մեջ մտնող մասնագիտացումների հաշվառմամբ) համար:
2. Չափորոշի պահանջների ապահովումը պարտադիր է տվյալ մասնագիտությամբ (մասնագիտացմամբ) ուսուցում իրականացնող հաստատության համար:
3. Յուրաքանչյուր մասնագիտության (մասնագիտացման) համար հաստատվում է մեկ չափորոշիչ:

II. ՉԱՓՈՐՈՇՔՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

4. Չափորոշիչն ապահովում է՝

- ա) բարձրագույն մասնագիտական կրթության որակը.
- բ) բարձրագույն մասնագիտական և հետքուհական կրթական ծրագրեր իրականացնող կազմակերպությունների գործունեության գնահատման հիմքը.
- գ) եվրոպական և այլ օտարերկրյա պետությունների կրթական չափորոշիչների հետ համեմատելիության հնարավորությունները.
- դ) եվրոպական և այլ օտարերկրյա պետությունների բարձրագույն մասնագիտական ու հետքուհական կրթության մասնագիտական որակավորումների և փաստաթղթերի ձանաչումն ու համարժեքությունը:

5. Չափորոշիչը ներառում է՝

- ա) բարձրագույն մասնագիտական կրթության և հետքուհական հիմնական կրթական ծրագրերին վերաբերող ընդհանուր պահանջները.
- բ) բարձրագույն մասնագիտական կրթության հիմնական կրթական ծրագրերի բովանդակության պարտադիր նվազագույնի, իրականացման պայմանների, այդ թվում՝ պրակտիկաների, սովորողների ամփոփիչ ատեստավորման ձևերի,
- շրջանավարտների պատրաստման մակարդակին վերաբերող պահանջները.
- գ) բարձրագույն մասնագիտական և հետքուհական կրթության հիմնական կրթական ծրագրերով ուսուցման կազմակերպման ժամկետները և կրեոփորային միավորների քանակը:

6. Չափորոշիչն ընդգրկում է հետևյալ բաղադրիչները՝

- ա) մասնագիտության (մասնագիտացման) անվանումը.
- բ) մասնագիտության (մասնագիտացման) ընդհանուր բնութագիրը.
- գ) մասնագիտության (մասնագիտացման) կրթության ձևերը.
- դ) մասնագիտության (մասնագիտացման) յուրացման ժամկետներն ըստ կրթության հիմքի.
- ե) շրջանավարտին շնորհվող մասնագիտական որակավորումը.
- զ) շրջանավարտի մասնագիտական որակավորման բնութագիրը.
- է) բարձրագույն մասնագիտական կրթությամբ շրջանավարտի հետագա կրթության հնարավորությունը.
- ը) պահանջներ մասնագետի պատրաստման նկատմամբ՝ ընդհանուր պահանջներ, պահանջներ՝ հումանիտար, սոցիալ-տնտեսագիտական, ընդհանուր մասնագիտական, հատուկ մասնագիտական առարկաների գծով, բարձրագույն մասնագիտական կրթության պրակտիկաների կազմակերպմանը և անցկացմանը վերաբերող պահանջներ, պահանջներ՝ մասնագիտության (մասնագիտացման) ամփոփիչ ատեստավորման գծով, պահանջներ մասնագիտության (մասնագիտացման) հիմնական կրթական ծրագրի բովանդակության նվազագույն ծավալի նկատմամբ՝ ըստ առարկայախմբերի ու առարկաների՝ դրանց ուսուցման համար առավելագույն և անհրաժեշտ ժամաքանակներով.
- թ) պահանջներ ուսումնական գործունքացի կազմակերպման ու ապահովման նկատմամբ.
- ժ) պահանջներ միջանկյալ և ամփոփիչ ատեստավորման նկատմամբ:

III. ՉԱՓՈՐՈՇԴԻ ՆԱԽԱԳԾԻ ՄՇԱԿՈՒՄԸ

7. Չափորոշի նախագիծն ըստ մասնագիտությունների և կրթական աստիճանների (բակալավր, մագիստրոս, հետազոտող), պետական կառավարման լիազորված մարմնի հանձնարարությամբ, մշակում է բարձրագույն ուսումնական հաստատության (հաստատությունների), գիտական կազմակերպության (կազմակերպությունների) աշխատողների ընդգրկմամբ ստեղծված համատեղ աշխատանքային խումբը, որի կազմը, բուհերի և գիտական կազմակերպությունների ներկայացմամբ, հաստատում է Հայաստանի Հանրապետության կրթության և գիտության նախարարը:

Աշխատանքային խումբն ընդգրկում է տվյալ ոլորտի զարգացման համար պատասխանատու քաղաքացիական ծառայողների, բնագավառի առաջատար մասնագետների, գործատուների: Դրա կազմում կարող են ընդգրկվել նաև գիտական կազմակերպությունների, ուսումնական հաստատությունների, շահագրգիռ մարմինների և կազմակերպությունների ներկայացուցիչներ, այլ մասնագետներ:

8. Չափորոշի նախագիծը ներկայացվում է փորձագիտական հանձնաժողովին, որի կազմը հաստատում է Հայաստանի Հանրապետության կրթության և գիտության նախարարը:

Փորձագիտական հանձնաժողովի կազմում ընդգրկվում են տվյալ ոլորտի զարգացման համար պատասխանատու քաղաքացիական ծառայողներ, բնագավառի առաջատար մասնագետներ: Հանձնաժողովի կազմում կարող են ընդգրկվել նաև գիտական կազմակերպությունների, ուսումնական հաստատությունների, շահագրգիռ մարմինների և կազմակերպությունների ներկայացուցիչներ, այլ մասնագետներ:

IV. ՉԱՓՈՐՈՇԻ ՀԱՍՏԱՏՈՒՄԸ

9. Չափորոշիը հաստատում է Հայաստանի Հանրապետության կրթության և գիտության նախարարը՝ փորձագիտական հանձնաժողովի եզրակացության հիման վրա:

**Հայաստանի Հանրապետության կառավարության
աշխատակազմի ղեկավար-նախարար Մ. Թոփուզյան**